

नहुगु ज्वजलपा

बाह्र थो

NHUGU JWOJALAPA NEPALBHASA WEEKLY



दि ७ ■ ल्या: १२ ■ (थ्यंल्या: ९६) ■ ने.सं. ११३७ कौलाश्व (तृतिया) ■ वि.सं. २०७४ अशोज २२ गते ■ ई.सं. Oct. 8, 2017 ■ आइतवा: ■ मू द/- Nhugu Jwojalapa Nepal Bhasa Weekly

१० वडा किपूया म्वा:नत्वा: आखा:
खल:या त्वा:मुंज्या

नहुगु ज्वजलपा
ऐतिहासिक किपूया न्हयगां जात्रा त:जिक न्यायेकेगु
निति किपूया १० वडा म्वा:नत्वा: आखा: खल:या ग्वसालय



त्वा:मुंज्याया ग्वसा: ग्व:गु दु। बुधवा: सुथय च्वंगु उगु त्वा:मुंज्या धात्थें
नेवा: समुदायया कला-संस्कृति, जात्रापर्व, मौलिक नेपाल
संवत्, सांस्कृतिक बाजंया संरक्षण यायेगु ख: धैगु जूसा थौया
त्यं दुगु ६ पेजय्..

माओवादी केन्द्र एमालेलय् विलय

नहुगु ज्वजलपा
नेपा:यागु राजनितिइ
हाकनं छक्व: तरंग व:गु दु।
एमाले, माओवादी केन्द्र व नयाँ
शक्तिया दथुइ जूगु तालमेलं
आ: नेपा: यागु राजनिति गन
वनां च्वन, सुयागु निर्देशनं
न्त्यानां च्वंगु दु धैगु छल्लड
जूगु दु। थ: पिनिंसं जारी
यागु नेपा:या संविधान
नेपा:या नेता तयेसं विस्वया
उत्कृष्ट संविधान धका न्वंवाये
गु यानां च्वंगु इलय् नेपा:या
नेता तयसं क्यनिंगु रवैया
यात कया:नेपाल कम्युनिस्ट
पार्टीया स्थायी समिति दुज:



हेमन्तप्रकाश ओली 'सुदर्शन'
नेकपा (माओवादी केन्द्र) एमाले
य् विलय जुल धयादिगु दु।
वयेकलं एमाले, माओवादी
केन्द्र व नयाँ शक्तिया दथुइ
जूगु तालमेलं सच्चा कम्युनिस्ट
तयेत फाइदा जुगु दु। थुगु
खँ रिपोर्टसं क्लव नेपाल
अर्घाखाँचीया सन्धिखर्कय
शुक्रवार यागु साक्षात्कार
ज्याभव:सं न्ववानादिसं
वयेकलं विदेशीया इसाराय
मजुइगु याकनं त्वा: दइगु
व 'स्वंगुदलया गठबन्धनं
सच्चा कम्युनिस्ट विचार
धारा ज्वनां न्ह्यांवनां च्वंगु
कम्युनिस्ट पार्टीकथं जनतायात

म्हासिका बिया च्वंगु,
व्यूगु मछालेपुगु खँ ख:
धयादिल। मंसिरय् जुइगु
निर्वाचनय् नं नेपाल
कम्युनिस्ट पार्टी व्वति
मकाइगु घोषणा यासं ने
ता सुदर्शनं एकिकृत
जनक्रान्तिया माध्यमं
राज्यसत्ता स्थापना याये
गु व जन-सत्ता सञ्चालन
यायेगु थ: पिनिंगु योजना
यात सफल यानां हे त्वते
गु धयादिगु दु।

आठौं महाधिवेशनं नेपाल
कम्युनिष्ट पार्टी नां निस्वनां
देय् न्यंकं संगठन विस्तार
यायां देय् दुनेया भ्रष्टाचारी
तयेत निहाना दयेका गति।
वधि न्ह्याका क्रान्ति या लँपु
ज्वनां च्वंगु छगू जक नेपा: दुने
राजनितिया खलय थौया दिनय्
छगू जक पार्टी नेपाल कम्युनिष्ट
पार्टीवंगु स्थानीय चुनाव खारेज
यानां वया च्वंगु व वइगु प्रदे
श या चुनाव नं खारेज याये
गु धका:स्थायी समिति दुज:
हेमन्तप्रकाश ओली 'सुदर्शन'
धयादिगु दु।

धरेन्द्र महर्जन ९८०८५७८५६२

धरेन्द्र क्लिनिक सर्भिस एण्ड ट्रेनिङ्ग



कीर्तिपुर-१ (बाघ भैरव मन्दिर तल)

हाम्रा सेवाहरु:- होटेल, लज, अफिस, हस्पिटल, सम्बन्धि सम्पूर्ण
क्लिनिक सर्भिस गरिनुका साथै विशेष कक्षा ट्रेनिङ्ग पनि दिइन्छ।

यौन पावर बढाउने शिघ्र स्खलन रोक्ने कण्डम
र क्याप्सूल चाहिएमा फोन गर्नुस्।

उपलब्ध कण्डम क्याप्सूल तथा अन्य हर्व प्रोडक्टहरु:

- शिघ्र स्खलन रोक्ने कण्डम
- सुघन्धित कण्डम
- महिलालाई यौन इच्छा बढाउने
- यौन अंगमा प्रयोग गर्ने चिल्लो पदार्थ
- अनुहारको चायाँ पोतो तुरुन्तै हटाउने क्रिम
- शरीरको मोटोपना तौल बढाउने
- १००% सुगर कन्ट्रोल गर्ने डाइवाकोन
- शरीरको उचाई बढाउने
- यौन पावर बढाउने क्याप्सूल
- कूटल कण्डम (पुन: प्रयोग गर्न मिल्ने)
- स्तन तथा लिङ्ग बढाउने क्रिम
- क्याप्सूल कृतिम यौन अंग (Sextoy's)
- पेटको सेतो धसाँ हटाउने क्रिम
- अनावश्यक भूँडीको बोसो घटाउने
- कपाल भर्न तुरुन्तै रोक्ने तेल स्याम्पू
- महिलाको यौनी टाईट गर्ने क्रिम

फिटनेस प्वाइन्ट टेडिङ्ग

दुरसंचारको गेटसँगै
बाहिरीगाउतत, कीर्तिपुर
(यो विज्ञापन कटिङ्ग, लिए
आउनेलाई विशेष छुट)

सम्पर्क फोन नं.

०१-४३३६७०१, ९८०३५०२२५९
पसल खुल्ने समय:
विहान: ७:०० देखि ८:०० सम्म
दिउँसो १०:०० देखि ५:००

प्रो. लक्ष्मीभक्त महर्जन ९८४१७००९३१

पाहाँ छँ नेवारी खाजा घर



कीर्तिपुर-२ देवढोका
कीर्तिपुर नगरपालिका सँगै

यहाँ, स्पेशल्ली हाँसको छोय्ला पनि पाइन्छ।

न्यू ब्राह्मण वाङ्मय

प्रकाशक
जितेन्द्र महर्जन

सम्पादक
श्रीकृष्ण तण्डुकार

व्यवस्थापक
विकास महर्जन, सागर महर्जन

संवाददाता
सरिता बज्राचार्य, संजिला महर्जन,

थाकू
शर्मिला प्रिन्ट, डल्लु, येँ
ज्याकू

किपू-१, बाघभैरव

मोबाइल ल्या: ९८२३५६६५३१, ९८१८६९६४७३

ई-मेल: chomidab0016@gmail.com,
nhugujwojalapawapau16@gmail.com

बुद्ध धैम्ह न्हापांम्ह सामाजिक क्रान्तिकारी खः, द्यो मखु (२)

सिद्धार्थ गौतमया जीवनय् मू सरोकारया खा धैगु दुःखवाद खः । अबले वसपोलं थःगु लोक-समाजय् मनूतय्सं तसकं तसकं दुःख सियाच्वंगु खन । अथे दुःख सियेमाःगु कारणया अनुसन्धान यायां ज्ञानं थुइकाः ववं थ्व खः प्रमाणित जुल कि अबलेया समाजय् मनूत यक्को अज्ञानी तिनि, छुं मस्युनि ।

छाय्धाःसा भीथाय् विज्यात ।

चैत्य, गुम्बा, विहार ल्याखाये त हे थाकुइ धुंकल । विहारय् वनाः जुइपिं यक्को यक्को हे दत । बुद्ध-पूजा थाय्थासय् हे जुयावयाच्वंगु दु । पूजापाठ यानाः जुइपिं नं यक्को हे दु । ज्ञानमाला म्ये हाला जुइपिं नं यक्को यक्को हे दत । तर छता दुःखया खः बुद्धधर्मया मर्म धाःसा थुपिं म्हो हे जक खनातिनि ।

सिद्धार्थ गौतमया जीवनय् मू सरोकारया खँ धैगु दुःखवाद खः । अबले वसपोलं थःगु लोक-समाजय् मनूतय्सं तसकं तसकं दुःख सियाच्वंगु खन । अथे दुःख सियेमाःगु कारणया अनुसन्धान यायां ज्ञानं थुइकाः ववं थ्व खः प्रमाणित जुल कि अबलेया समाजय् मनूत यक्को अज्ञानी तिनि, छुं मस्युनि । अजाःपिं मनूतय्गु समाजय् वैदिक धर्म (थौकन्हे हिन्दुधर्म) या स्यंगु बांमलाःगु प्रचलनं मनूतय्सं तसकं दुःख सियाच्वंगु कारणं उगु प्रचलित जुया(च्वंगु धार्मिक नीति नियमया विरुद्धय् वसपोलं विद्रोह यान(

बुद्धया मू खँ धैगु अज्ञानताया कारणं हे दुःख जुयाच्वंगुलिं दक्कसिबे न्हापां मनूतय्त दुःख मदयेकेगु उपाय स्यना वियेमाः धैगु खः । थ्व खँ थुइका वियेत मनूतय्गु मांभाय् जनभाषां खँ थुइका ब्युसा जक खँ अप्वः थुइ धैगु सिद्धार्थ गौतम बुद्धया मान्यता खः । तर आःतक भीगु समाजय् धाःसा जनतां मथूगु कि पालि भाषां, कि संस्कृत भाषां श्लोक पाठ यानाच्वंगु दु, गुगु बुद्धया मूल्य-मान्यताया विरुद्ध जुयाच्वंगु दु । श्लोक वनेगु छाय् ? उगु श्लोकया अनुवाद भीगु नेवाः भासं छाय् मजुल ? छाय्धाःसा भीपिं परम्परावादय् ग्रस्तपिं खः, थथे हे श्लोक वनाः भीत व्यक्तिगत फाइदा नं दुगु हे जुइमाः ।

थौ भीगु समाजय् मद्दिक बुद्धपूजा जुयाच्वंगु दु । बुद्ध-पूजा सार्थक जुइमाःगु खः, अथे मजूसे अनर्थ कथं जुयाच्वंगु दु । बुद्धधर्मय् तिसा ब्वयेगु, बिलासी व्यवहार क्यनेगु यायेमज्यू । तर ज्ञानमाला हालीपिं हारवीन

थाइपिं म्ये हालीपिनि तिसा ब्वया भिलिमिलि भःभःथत धायेकाः दबुलिइ ब्वःवइगु खन(च्वना । थ्व बौद्ध-आचरणया अःखःगु व्यवहार खः । उकिं हे ज्ञानमाला म्येय् बौद्ध विचार स्वयां अबौद्ध विचारं यक्को थाय् कयाच्वंगु दु ।

किपुली बुद्ध-जयन्ती खुन्हु यलय् जुइगु सम्यकय् ब्वये यंकीपिं बुद्धया मूर्तितय्त वैण्ड बाजाया तालय् तसकं डान्स मचे यानाः उगु डान्स स्वयाः मनोरञ्जन काइगु चलन धैगु बुद्धधर्मय् नामय् खनेदुगु चरम विकृति खः, अपराध खः । थजाःगु खँयात कयाः भीगु समाज दुने आलोचना जुइमाःगु, तर मजुगु, लिपा जुइ धैगु आशा यायेमाःगु थौयागु स्थिति खः । भीसं थुइके माःगु भीके बौद्ध ज्ञान हे मदुसा, बौद्ध व्यवहार गथे दइ ? सिद्धार्थ गौतम बुद्धपाखें उगु ईया समाजय् गथे विद्रोह जुल अथे हे थौं नं भीगु समाजय् तमाम विकृतितय्गु विरुद्धय् विद्रोह यायेमाःगु ज्ञान भीसं वसपो ल पाखें सयेकाः काये फये



डा. चन्द्रमान बज्राचार्य

माः । अन्याय सहयाये मज्यू, सहयाःलिसे अन्याय भंभं अप्वः जुयावइ । भीगु बौद्ध समाजय् न्हयलुवाः कथं खनेदुपिंसं हे बुद्धया सन्यासी जीवनया विरोधय् विलासी जीवन हनेगु यात धाःसा छुं मथूपिं सर्वसा(धारण मनूतय्त दोष बिइगु उचित जुइमखु । उकिं बौद्ध-धर्मया नामय् जुइगु कार्यक्रमय् सन्यासीत स्वयां विलासीत अप्वः खनेदयाच्वंगु खः । उकिं सुनां अन्याय सहयाइ व अन्यायी खः धैगु बुद्धया विचारयात नुगः दुनेनिसें थुइकाः भीसं भीत परि वर्तन यानाः बौद्ध जीवन हनेगु हे धात्थें भीपिं बौद्ध जुयागुया प्रमाण धायेफै ।

सम्पादकीय

तालमेलय् दुने शंका

नेता तयेसं तालमेलयात तसकं बाँलाः धकाः न्ह्याक्व हे बयेबये यानां धयाः च्वंसां तविनं अन्तत नेता तयेत लिपावनां सत्ताय् च्वनां राज्यया दुकू ज्वनेगु हे खः थ्व ।

वैशाख ३१ गते जूगु स्थानीय चुनाव लिपा गू लिच्वः वःगु खः उगु लिच्वःलं सुं दलत सन्तोष मजू । निक्वः निक्वः तक भोट कुर्केबिया जनता यात पंगु तकनं याःगु खनेदु । धात्थें जनतायात वास्तविक जनताया राज्यसत्ता माःगु थुगु इलय । वामपन्थि एकटा जुगु बाँलाः थुगु एकटां जनतायात सत्ताय छवःसा एकटा सफल जूगु धायेफै, थन थुगु वामपन्थि एकटा प्रदेश चुनाव तक जक खः धैगु नेता तयेसं धाये धुंकूगु दुगु हुनिं एकटा मात्र सत्ताय् वनेगु व जनता यात नाटक क्यंगु व देखावती धायेछि ।

चुनाव लिपा जनप्रतिनिधि बयेधुंकाः जनता यात जनतायागु हक व अधिकार माःगुलिइ जनतायागु दिमाग यात डाइभर्स यानां नेता तयेसं हानं छक्व जनतायात पंगु याये त्यंगु दु ।

एमाले यात सत्ताय् वनेमाःगु, माके व नयां शक्तियात सभाषद माःगु उकिंनं उमिगु नितिं वामपन्थि एकटा अपरिहार्य धाःसांनं वाम एकटा धाये थाकु । न्हूगु कम्युनिष्ट पार्टी निस्वनेगु धका धयाच्वंसां वास्तविक गठबन्धने दुथ्यागु स्वंगु पार्टी हे सच्चापी कम्युनिष्ट पार्टी मखु ।

छिकपिनिगु छुं लेख
रचना पिथना दिइमासा
जिमितं इमेल पाखें स्वापू
तयादिइत इनाप याना च्वना

chomidab0016@gmail.com,
nhugujwojalapawapau16@gmail.com

मां (चि बाखं)

छन्हु जि वुं वनेत छैं नं पिहाँ वयेत्यना बलय, लुखासं तसकं ग्यानापुसे च्वंम्ह छम्ह नाप लात । जिं वयात न्यना, छि सु लात थें ? जिं छितला म्ह मसिल, वयेकःनं जितः भद्रा सलं ग्यानापुक लिसः बिल, जि यमदुत खः यमदुत । जि ग्या ग्या चिइसलं वयाके न्यना, थन छाया भायागु ? यमदुतं जितः धाल यमदुतपिं सुयागुं छैं वईबलय, छगु कारणं जक वई, व खः थन छैं नं, थौं छम्हसिया दिन पूवन, वयात यमराजया थासय् यंकेत वयागु धका लिसः बिल । लिसः न्यो न्यो जि तसकं ग्यात, ग्या ग्या, ग्यासानं जिं वयाके न्यना, सुयात यंकेत वयागु ? यमदुतं लिसः बिल, थौं छम्ह मांया दिन पूवन, घौ बाघौ जक ई दनी, छ वुई वने म्वाल । थ्वखं न्यनेवं जिगु मिखां ख्वि धररं हाल । यमदुत यात जिं निपा ल्हाः ज्वरेयानां विन्ति यानां, अथे धयादिइमते यमदुतज्यू,



जिम्ह मां, छवाः निसें म्ह मफया च्वंगु, थौं तिनि भचा म्ह याउंकुगु खः । छवाःनिसें, नसा मनगु, थौं तिनि निगःचा ज्योनाः याकाः, निभाः पाकाः, मां याके न्यनां, घौ बाघौ लिपा लिहां वयेगु वचं विया पिहां जक वयागु । छि थ्योकः जिम्ह मां यातः यंकेगु धयाः दिइमते धकाः जिं यमदुतयात ल्हाः जोरेयाना । यमदुतं जितः नाईगु सलं धाल । अथे मज्यू, यमदुतं सुयातः कायेतः पिहां

वयेधुंका खालिल्हाःतं लिहां वनीं मखु । अथे जुयाः जिं व्वनां हे यंकेमाः छम्ह मां यातः । जिं यमदुत यात हानं विन्ति यानां धया, छि जिम्ह मां यातः यंकल गु ? सुनां जितः माया याई ? जि, मां विनां गथे च्वने ? जिं सुयातः मां धाय ? जिगु छेंनं थौं छम्ह यंकेहे माःगु खःसा, यमदुतज्यू, थौं जिनाप छगू सम्भौता यानां दिसं, छि खालि ल्हातं लिहां भाय् मालिमखु । जिम्ह मांया थासय्, जितः यंकाः



नरेनमान महर्जन
खासीबजाः, किपू,

दिसं । जिगु खं न्यनां, यमदुत मुसुमुसुं न्हिलाः, यमदुतं जितः धाल, सम्भौता बांमलाः मजू बांलाः, तर, थ्व सम्भौता, छं सिकं न्हापां, छम्ह मांनं जिपिं नाप याये धुंकल । जि काय्, जि पुतायात छिमिसं काःवये न्हयो, जितःनिं यंकेमाः धकाः, छम्ह मांनं सम्भौता याःगु खः । छम्ह मां या मनतुना कथं हे, जिं छम्ह मां यात काः वयागु खः । सुं नं मांया इच्छा थ्व जुई मखु कि, थः सिकं न्हयो, थः काय् म्प्याय् मदयेका च्वने ।

थौं या फैत



रोशन श्रेष्ठ

च्वयेमखु धाधां च्वयेमास्ते वल ।

ल्ववयातःगु खै, गनाच्वंगु खैइ हे

फेतुप्यया व्वाय् जूपिं खनाः

न्हिलेमखु धाधां न्हिले वल ॥

विचरा फै,

मिहगः छताजि, थौं मेताजि

खं ल्हायेगु कासाय् तिं तिं न्हु न्हुं

वंगल सिमाहः नाप धेंधेंवल्ला, कासा त्याकाः

थःथःगु मोर्चा वल्लाकेत, व्वाय् व्वाय् जूगु खनाः

अजु चायेमखु धाधां अजु चाइवल ॥

विचरा फै,

स्वयाचवनादिसैं न्हाँ कन्हय्

म्होस्तय् पाल्हाः तया हइपिं

लञ्चा थकया ल्हाः म्हच्छिइपिं

वाक्कुछिना तैं पिकया जुइपिं

व्वः वियेगु ला गुलि गुलि जुइ का

नाडाभांगापिं बाबाजिं थें कय्ता मदयेक

ल्वाना जुइगु ला गुलि गुलि का

आखिर

न्हयइपुकेत अथे याये हे माल

ध्वं लायेत थुलिइ प्याखं क्यने हे माल

प्याखंया धकिं कुहाँ वयेधुंका

पस्ताय् चाइपिनि हुलया फै त

दंगदास जुया थौं तिंतिं न्हूगु खनाः

न्हिलेमखु धाधां मुसुमुसुं न्हिले वल ॥

न्हूदंया लसताय् भिंतुना



नेपाःमि तय्गु तःधंगु नखः मोहनि नखः व

ने.सं. ११३८ क्यनिगु स्वन्ति नखःया लसताय्

सकल नेपाःमिपिनिगु भिं-उसाँय व ताःआयुया

कामना यासैं भिंतुना देछाना च्वना ।

वडा नं. २ अध्यक्ष

रमेशमान डंगोल

भासा

म्वासा

जाति म्वाइ

महाकवि

सिद्धिदास

महाजु

Multi Accessories Services

Kirtipur-8, Panga

9861248225, 984044960



Our Services:

✓ Computer/Mobile Software Maintenance

✓ Computer/Mobile Accessories

✓ Mobile, Memory Card, Pen Drive मा गित तथा फिल्म राखिन्छ ।



वंगू स्वला न्ह्यः पलिस्था जूगु गः क्याफेया छगू लू : थुकिं किपूया वाघभैरव लागाया गुनयु फोहोर जुयाच्वंगु लकश सफा जुयाः पर्यटन अप्वयेकेत ग्वाहालि जूगु दु ।
किपाः न्हूगु ज्वजलपा देस्क

१० वडा किपूया म्वाःनत्वाः ...

सांस्कृतिक बाज्या संरक्षण यायेगु खः धैगु जूसा थौया इलय थुकियात देसय स्थानीय सरकारं अध्ययन अनुसन्धान यायेमाःगु व उकिया संरक्षण यायेत वः ब्यूगु दु । उगु मुँज्यां उकथं संरक्षण यायेत पहल यायेगु नितिं व जात्रापर्व न्ह्याकेगु

कथं छगू मूल कमिटी नीस वंगु दु । मुक्कं ३३ म्ह दुजः दूगु उगु कमिटीइ छसिकथं प्रेमबहादुर महर्जन नायः, ज्ञानबहादुर महर्जन नेवाः न्वकू, दिलीपकुमार महर्जन छयाञ्जे, रमित महर्जन ल्यूछ याञ्जे, राजेश महर्जन दांभरी व उत्तम महर्जनयात ल्यूदः

भरी पदय सर्वसम्मतं ल्यःगु दु । ज्याभवलय त्वाःया याि वनकुमार महर्जन, प्रेमबहादुर महर्जन, दिलमान महर्जन व १० वडाया वडा दुजःलिसं कार्यवाहक नायः हरिशरण महर्जनपिन्सं नुगःखँ तयादीगु खःसा ज्याभवः ज्ञानबहादुर महर्जन नेवाः नं न्ह्याकादीगु खः ।

चोभारय लच्छियंकया मेला न्ह्यात

चवभा/न्हूगु ज्वजलपा
यँया दक्षिण भेगय च्वंगु चोभाः करुणामय आदिनाथया देगलय वंगु कौलाथ्व पुन्ही विहिवाःनिसं लच्छियंकया मेला न्ह्याःगु दु । दँय दसं आश्विन शुक्ल पुन्हीनिसं कार्तिक शुक्ल पुन्हीतक मेला न्ह्याइगु जुयाच्वंगु दु । मेलाय स्वनिगःलिसं स्वनिगःया जःखः लागां भक्तजनपिं वयेगु जुयाच्वंगु दु ।



उगु देगलय आदिनाथया दर्शन यायेबलय ततःधंगु ल्वय लनीगु, कुष्टरोग लाइगु जनविश्वास दु । पारिवारिक सुख, समृद्धि कायम जुइगु स्थानीय अग्रजपिन्सं धायेगु याः ।
आदि नर व आदि नारीया रुपं अभिव्यक्त जुयाच्वंमह मूर्तियात आदिनाथ धकाः पुज्यायेगु चलन दु । पुजारी सरो ज शाक्यया कथं उगु थासय प्रत्येक दँ चैतेदशैया दिं नं मेला जुइगु जुयाच्वंगु दु । थुगु लच्छिया दुने भक्तजनपिं माय अपसं च्वनेगु नं याइ ।
पुरातत्व विभागं २०७२ साल वैशाखया तःभुखाचं देगः जीर्ण जूगु हुनिं मर्मत सम्भार नं याःगु दु ।

मजि मागाःगु

फोन ल्याः
एम्बुलेन्स सेवा

दक्षिण भेगीय एम्बुलेन्स कीर्तिपुर ४३३०२००
कीर्तिपुर नगर एम्बुलेन्स ४३३१८०५
परोपकार एम्बुलेन्स सेवा, कालीमाटी ४२२६९९९
विशाल बजार एम्बुलेन्स सेवा ४२४४९२९
रेडक्रस एम्बुलेन्स सेवा ४२२८०९४
प्रहरी कन्ट्रोल - १००
दमकल - १०१
महानगरीय प्रहरी प्रहरी वृत कीर्तिपुर ४३३०५०४
स्वास्थ्य केन्द्र तथा मेडिकल हल कीर्तिपुर अस्पताल कीर्तिपुर ४३३२९६०
कीर्तिपुर अस्पताल (इमर्जेन्सी) ४३३१३९०
त्रि. वि. हेल्थ सेन्टर ४३३०६६७
विष्णुदेवी अस्पताल ४३३३०७८
शववाहन
नेपाल चेम्बर अफ कमर्श ४२३०२९३
पशुपति आर्यघाट सेवा ४४९२९९२
देव कर्नर निःशुल्क - ४४३४०९३

रुद्रायणीदेवीया जात्रा व प्याखँ क्वचाल

न्हूगु ज्वजलपा
नेपाःया मोहनी हनि मखुगु देय चिकं नामं नाजा जयाच्वंगु ख्वना देशय स्वस्थानी बाखँया लिधंसाय ल्हइकेगु रुद्रायणीदेवीया प्याखँ व जात्रा क्वचाःगु दु ।
मोहनि नखः देय न्यंक भः भः धायेक हनीगु इलय

मोहनि सिन्ह तिइगु नलाः स्वा पिइगु चलन धाःसा धन मडु । घटनास्थापना वयेन्ह्यः प्यन्हुन्ह्यः



जात्राया नितिं तयारी याइ अले फुलप(ाटी कुन्हु वंगु अशोज १० गते सुथंन्ह(ापा सिका(ली खयलय अस्वमेघ यज्ञ याःगु सिखा(ली खयलय दःपिं सिकाली खयलय ल्हो वायेकीगु लिसं

लं प्याखँ हुइगु चलन दु । थुकियात सिकाली यानं धाइ । अथेहे वंगु असोज ११ गते फुलपाती न्हि कुन्हु देव व दानव दखी ल्वापु जूगु दे त्य क्वथःगु लिसं माफमांअवु महाद्यः व पार्वतीया आशींवाद कया सुमेरु पर्वत चाःट्यू वनिबले कुमार दथुइ जंगलय फसय जुइगु दथु जंगलय तनाः बिलाप यानाः ख्वइगु लिपा हनुमान वया कुमारयात वचे याइगु अतिकं कारुणिकं जाःगु दृश्य प्याखँनय क्यने गु याइ ।

विराटया साहित्य सम्मेलन

न्हूगु ज्वजलपा
वंगु सोमवाः आश्विन १६, गते विराट नेपालभाषा साहित्य सम्मेलन दँयदसथं ख्वपय जुगु दु । नेपालभाषा साहित्यया निरन्तर ज्याभवः कथं न्ययेखुक्वःगु तःजिक जूगु दु ।

जातिय स्वतन्त्रायात क्वत्येला राष्ट्रया उत्थान जुये फइमखु धइगु नारा बिसं यातु गणेद्यःकमल विनायकय उगु ज्याभवः जुगु खः ।

वांगमय शताब्दी पुरुष संस्कृतिविद् हने वहमह डा.सत्य मोहन जोशीया मू पाहाँसुइ जुइगु उगु ज्याभवलय नांजाम्ह साहित्यकार व समालोचक प्रा.नर्मदेश्वर प्रधानयात विराट साहित्य सम्मेलन सम्मान लःल्हागु खः । वयकयात ने वाः परम्परा कथं ख्येसगं विया बेतालीं चीका तःि जक हंगु खःसा नेपालभाषा पदक एस.ई.ई. परिक्षाय ने पालभाषा कयाः अप्वः ल्याः हयाः पास जुमह शान्ति



निकुञ्ज मा.वि.या सचिन कारंजितयात लःल्हागु खः । विराट नेपालभाषा साहित्य सम्मेलन गुथिया छयाञ्जे वावुकाजी साछे श्रेष्ठ लसकुस यानादिगु उगु ज्याभवलय गथिया कजि कृष्ण भक्त वोडे या सभापतित्वय जुगु खः । ज्याभवलय साहित्यकार लक्ष्मण राजवशी, राजा शाक्य, ध्रुव मधिकःमि, शरद कसाः, सुधीर ख्वि, नारद बज्राचार्य, शशीकला मानन्धर, मीना बज्राचार्य, शाक्य सुरेन, तिलक प्रसाद कायष्ठ, रेणु श्रेष्ठ, शकुन्तला महर्जन त्रिरत्न शाक्यया लिसं

नीम्ह साहित्यकार पिन्सं थःथःगु रचना पाठ यानादिगु खः । ज्याभवलय विराट गुथिया नायो कृष्णभक्त वोडे, गुथिया सल्लाहकार डा. योगेन्द्र प्रधान, प्रा. नर्मदेश्वर प्रधान, एस इ इ पास जूम्ह सचिन कारंजित व मूपाहाँ डा. सत्यमोहन जोशी पिन्सं नुगः खँ तयादीगु खः । अथेहेतुं लोककवि राजभाई जकःमिं चिनाखँ न्यकादीगु खःसा जन गायक रामकृष्ण दुवाल व नांजाम्ह संगीतज्ञ अमरराज शर्मा म्येहाला न्यका दिल । ज्याभवलय कीपुया इन्द्रेणी साँस्कृतिक समाजया कलाकारपिन्सं हुला प्याखँ नं न्ह्यव्वःगु खः ।

२७ क्वःगु अन्तराष्ट्रिय ज्येष्ठ नागरिक दिवस हन

न्हूगु ज्वजलपा

२०७४ सालया मोहनी, स्वन्ति व छठ पर्वया लसताय् २७ क्वःगु अन्तराष्ट्रिय ज्येष्ठ नागरिक दिवस भः भः धायक पांगाया लाच्छिइ वंगु आइतवाः हंगु दु । ज्याभवःस की.न.पा ५ व वडाया जंकु जुइ धुंकीपिं ज्येष्ठ नागरिकपिन्त हनेज्या लिसें छगू लख धकाः चन्दा ग्वाहालि यानादीमह पाँहा कथं भायादीमह कृष्ण हरि महर्जनयात हना-पौ लः लहानादील ।

अवलोकन भ्रमण याके धुंकीपिं १३ म्हेसित हना-पौ, प्रशंषा, जिन्सी सामान बियादीपिन्त नं प्रशंशापौ बियादीगु दु ।

अथेहे पाहाँ कथं किनपा ५ वडा अध्यक्ष राजेन्द्र महर्जन, वडा नं. ८ या अध्यक्ष विनोद महर्जन व कृष्णहरि महर्जनपिं भायादीगु खः ।

भूपु पयर्टन राज्य मन्त्री दीलिप महर्जन, सभासद रुपा महर्जनं फुचाथी ग्वाहिला यानादिइगु बचं प्कादीलसा मेम्ह विशेष पाहाँ किर्तिपुर नगरपालिकाया उपमेयर सरस्वती खड्का प्रपोजल पेश यायेहल धाःसा वार्षिक बजेट मिले याना विइगु बचं प्कादील ।

बालकुमारी महिला समुह पांगा सिकुछेंपाखें ज्येष्ठ नागरिक सेवा केन्द्र



पाखें न्ह्याका वयाच्वंगु केन्द्र सकलसिगु ग्वाहालिइ केन्द्र बालाना वयाच्वंगु दु । थ्वहे भवल्य न्हापांगु खुसि नजीराम महर्जन, मुना शाही, राजेन्द्र महर्जन पाखें ज्येष्ठनागरिक पिन्त अवलोकन भ्रमण मन्जुश्री पार्कय् यंकुगु खः । डाक्टर धर्मराज डंगोलं प्राकृतिक विज्ञान संग्रहालय स्वयम्भूइ अवलोकन भ्रमण याकादीमह मदिकक भ्रमण याकादीमह केशव प्रजापति स्वयम्भू पाखें ५००० लाच्छिइ, डा. देवकाजी डंगोल कतार दोहा पाखें ५०००, प्रकाश राम महर्जन पाखें १००० इन्जिनियर दुर्कमान महर्जन पाखें १०००, रमेश मान महर्जन (आजिवन ग्वाहालि) ४००, इन्द्रमान महर्जन (पाघु) न्यास तकाः केदार डंगोल पांगा ढोकाफल न्यासः तकाः, गीता डंगोल पांगा ढोका फल न्यास तकाः ग्वाहालि बियादीगु खः ।

खेलकुद मन्त्री किपू तदं न्ह्यः निसें लः समस्या जुयाच्वंगु आः न्याला न्हयला दुने मेलम्चीया लः स्वनिगलय् थ्यनंगु जुया जिमीगु कृतः ६० लखया लगानी लः त्यांकी दये काचवनागु जानकारी बियादील । अथेहे सेवा केन्द्रया नीतिं छगू लख तका सांसद को पपाखें ग्वाहालि विइगु वइगु न्हि नं छिकपिनिगु जीवन गथे यानाः शान्त पुर्वक जीवन हने गु खँय् ज्या न्ह्याकीगु खँय् पला न्ह्याकीगु धकाः नुगः खँ प्कादील । ज्येष्ठ नागरिक केन्द्र सेवा केन्द्रया अध्यक्ष दुर्गाकुमारी महर्जन पाखें जिन्सी सामान आर्थिक सहयो ग अवलोकन भ्रमण लगायत उपस्थिति बियादीपिं, सकल(४००, इन्द्रमान महर्जन (पाघु) न्यास तकाः केदार डंगोल पांगा ढोकाफल न्यासः तकाः, गीता डंगोल पांगा ढोका फल न्यास तकाः ग्वाहालि बियादीगु खः ।

कपाय् उत्पादन जुइगु सम्भावना अप्वल

न्हूगु ज्वजलपा

किर्तिपुर नगरपालिकाया समन्वय व UN-Habitat या आर्थिक ग्वाहालिइ सहरी विकास केन्द्र (CIUD) या कुतलय् थनया गलय Community Public छुंला न्ह्यः जक स्थानिय समुदाय पाखें दयेकूगु खः ।

मस्तयतग नीतिं चिल्डन पार्क, ज्याथःज्याथिपनिगु नितिं **Morning Walk** व सामाजिक कृयाकलाक याये गु ज्या सुथाला लानाच्वंगु दु । अथेहे वंगु वा न्ह्यः जक

१२ ग्राम उत्पादन याये त ताः लाःगु दु । थ्व सिबें अप्वः सुथालाकक व्यवस्थापन यात धाःसा आजु धः थाय् इता च्याकेत सभ्रना वलनेगु बनस्पति अनुसन्धा



ान अध्ययन कर्ता नन्दलाल महर्जन जानकारी बियादील । उचित व्यवस्थायात धाःसा थनपार्कय् कपाय्

बालाकक उत्पादन लजगाःया त्वःताः चुलाके फैगु उकिया नितिं थनया सामाजिक, सामुदायिक संस्था तयसं ध्यान विइमःगु बनस्पति

विशेषज्ञ नन्दलाल महर्जन न्हूगु ज्वजलपा यात जानकारी बियादील ।

अथेहे धार्मिक ज्याय् वंगु २०७४।६।१४ गते शनिवाः प्रत्यक्ष रुपय् कपाय् उत्पादन यानाः प्रति थ्यंमथ्यं १२ ग्राम लः धुं आजुथाय् छागु दु ।

ल्ययादिसँ ! ल्ययादिसँ !! ल्ययादिसँ !!!

नेपालभाषा एकेडेमिया ज्वसालय् जुइगु

दान्य-हिरा संगीत सिरपाः ११३७

छितः बांलाःताःम्ह

म्यँहालामि, लयचिनामि व म्यँ च्वमि ल्ययादिसँ

छगू विधाय् छगू जक (✓) तिक यानादिसँ

म्यँहालामि



ईश्वर अमात्य

म्यँहालामि



सानुमैया ताम्राकार

म्यँहालामि



दिपा महर्जन

लयचिनामि



मनराजा नकःमि

लयचिनामि



बिरन शाक्य

लयचिनामि



गोविन्द शुमान

म्यँ च्वमि



काजिराज शाक्य

म्यँ च्वमि



महेशमान डंगोल

म्यँ च्वमि



वंशीधर बज्राचार्य

छिगु नां (गोप्य याना तये)

फोन ल्याः थाय् (गोप्य याना तये)

श्व फाराम खामय् दुने तयाः क्वय् न्ह्यथनागु थासय्

ने.सं. ११३७ कौलागा चौथि (असोज २३ गते २०७४) सोमवाः तकया दुने थ्यंकादिसँ ।

नातिवज्र
दगुबहाः, यँ

संकाः सफू पसः
कुलाभुलु, त्यंगः, यँ

अर्जुन स्टेसनरी
अशोक हल, यल

नेपालभाषा एकेडेमि
न्याम्हसिमा, किपू

न्हूगु ज्वजलपा वाःपौ
किपू-१

Online voting या नितिं

<http://www.nepalbhashaacademy.org.np> य
log-in यानादिसँ, सुभाय्

लुमंकादिसँ छठहेस्यां छगू हे जक फाराम जायेकादी फइ ।

बृहत भैरव पुजा-११३७

ध्वहे वडगु असोज २८ गते सनिवा: बृहत भैरव पुजा-११३७ जुडत्यंगु दु ।

ध्यमध्यं ६५० म्ह भक्तजनपिं मुंका: दकले न्हापां येंया किलाघ:या गणेद्य:, कुमार किलाघ:या गणेद्य:, किलाघ:या गणेद्य:, महाकाल भैरव, किलाघ:, आकाश भैरव, कालभैरव हनुमानध्वाखा, श्वेत भैरव हनुमानध्वाखा, स्वच्छन्द भैरव



शिवपार्वती देग:, शान्त भैरव मजिपा:, पचली भैरव टेकू तक्क न्यासे वना द्य:पिं सिडकेगु अनवया क्पूया बाघ भैरव, ह्यगृव भैरव, वुंग, टिका भैरव लेले, काल (वचु) भैरव, बाडेगां, वटुक भैरव लगंख्य:, काशी भैरव, ख्वप, उन्मत्त भैरव पशपति, कीर्तिमुख भैरव पशपति, आनन्द भैरव ज्ञानेश्वरय्य गडी च्वना चाहिलेगु जुड थुकिया मु आज्जु धयागु वंगु वैशाख १२ गते या त: भुखाचं स्यंकगु पुर्खातयसं स्वनाथकगु धार्मिक धरोहर दे गतयगु अवस्था बारेय जानकारी विडगु लिसं स्विनिग:या भैरव द्य:पिं सीकंवना पुजा यायेगु हे मू आज्जु खं धका: ग्वा: खल: किला ग: त्वा: मिसा पुव:या छ्यान्जे सुनिता महर्जनं जानकारी वियादील । थुकिया व्यवस्थापन किलाघ: त्वा: खल: किलाघ:, यें पाखें यानादीगु दु ।

रीदेन महर्जन

भाषा, साहित्य व संस्कृतिया स:

नवा ग्या. गम. ३०७.७

नेवा: एफ. एम. १०६.६

सर्ट, पाइन्ट सिलाउने मिस्त्री चाहिएकोले यथाशिघ्र सर्म्पक राख्नु हो

ला ।

अष्टमातृका टेलरिङ्ग सेन्टर

Astamatrika Tailoring Center

Nayabazar, Kirtipur-17, (Way to Panga)

Mob-9841649589

Remember us for :

Shirting, Suiting, Safari, School/ Office Uniform and all Tailoring Clothing Store

विगत २४ वर्षे देखि अनुभवी व्यापारिकद्वारा विभिन्न डिजाइनका पोशाकहरू तयार गरिन्छ

दुर्गा पुजा जुल

न्हूगु ज्वजलपा

श्री कृलेश्वरा रामायण भजन मण्डल दुर्गा पुजा मुल समारोह समिति परिवार, कुलेश्वर का.म.नपा. १४ स्वसा:लय वंगु असोज बुधवा: ११ गते मिखा चायेकीगु ज्या जूगु दु ।

अथेहे ज्याभवलय २०७४ सालया बडा दशै, शुभ दिपावली व छठ पर्वया लसताय फुक्को धर्मावम्बीतयसं हार्दिक मंगलमय शुभकामना प्वंकूसे, सुख, शान्ति व समृद्धिया कामना यासं नव दुर्गा भवनी माताया मूर्ति स्थापना, प्राण प्रतिष्ठा, होम होमादी, यज्ञ, चण्ड पाठ, भजन कृतन, संगित, स्वागत सम्मान व मुर्ति विर्जन ज्याभव: त:जिक क्वचा:गु दु । ज्याभव: एटोन नेपालया प्रो पाइटर प्रदिप लुइटेल् महानवता सेवाहे त:धंगु धर्म ख: थुकियात हे नाला दयदस दुर्गा पुजा यानावयाच्वना:गु धका: नुग: खं प्वंकूसं ज्याभव: न्हयाकादीगु ख: । ज्याभव: वेल निमन्त्रणा, ६/१० मंगला वहनी ५-७ कन्या पुजा ६/१२ शुकुवा: सुर्थासिया ११:३० ता: इलय जुलसा कालरात्री पुजा ६/१२ रात्री ११:०० व जमरा व प्रशाद वितरण वंगु सनिवा: व मुर्ति विर्सजन जूगु दु ।

नेपालभाषा ख्यलय दकले न्हापांगु 'नेपालभाषा मचा सिरपा:'

न्हूगु ज्वजलपा

नेवा: बस्ती नेवा: स्कूल अभियानया ग्वसालय स्कूलय ने पालभाषा व्वनिपिं विद्यार्थी मचापिन्त विडगु कथं 'नेपालभाषा मचा सिरपा:' नीस्वनीगु जूगु दु ।

आ:तकया दुने उगु नेपालभाषा मचा सिरपा:या नितिं १२ लख तकाया अक्षय कोष दयेकेगु नितिं येंया लगमय च्वनादीमह थौकन्हय जापानय च्वना: वयाच्वनादीमह सुनिल कुमार शाक्य विशेष पहल यानादीगु ख: ।

उगु नेपालभाषा मचा सिरपा:या नितिं आर्थिक ग्वाहालि याये मन दुपिन्सं सिरपा: ग्वसा: ग्व:मह नेवा: बस्ती नेवा: स्कूल अभियान व आर्थिक संयोकज सुनिल कुमार शाक्य जापानयात स्वापू तयादीत इनाप या:गु दु ।

उगु नेपालभाषा मचा सिरपा:या नितिं आ:तकया दुने १-१ लख तका दां तया: 'संस्थापक संरक्षक' जुयादीपिं थुकथं दु -

- १) सुनिल कुमार शाक्य, जापान,
- २) स्वयम्भुधर-ज्योति तुलाधर, पोर्चुगल३) केशव तुलाधर, यें ४) संजय शाक्य, अमेरिका, ५) इन्द्रा सुजुकि राजभण्डारी, जापान, ६) डा. महेश्वर वैद्य, अमेरिका, ७) प्रदीप ताम्राकार, यें ८) डा. केशवलाल महर्जन, जापान, ९) कुमुद श्रेष्ठ, यल १०) रामभक्त जोशी, जापान

Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur
☎ 4335491 / b.arts4335491@hotmail.com

- * Banner, Flex Board
- * Glow Sign Board
- * Sticker Cutting / Printing
- * Screen/ Rubber Print
- * Self-ink/ Rubber Stamp
- * PVC/ID/ Visiting Card
- & all kinds of press works

Ujyaalo उज्यालो

न्ह्यान्हिथं सुथय १० ता: इलय

नेपा: बुखं १०.१५ निसं ज्याइव: लहना दुने खँल्ह(बल्हा उज्यालो १० रेडियो नेटवर्कय

८४ घण्टा भाषण याना: गिनिज बुकमा नां च्वकेगु कुत:

न्हूगु ज्वजलपा

भाषण याना: गिनिज बुकमा नां च्वयेगु उद्देश्य ज्वना: नुवाकोट जिल्ला चिसापानीया अनन्तराम केसी लगातार भाषण यायेगु ज्या यानाच्वंगु दु । टेक्सास इन्टरनेशनल कलेज, मित्रपार्कय केसी असोज १९ गते सुथय ६ बजे निसं भाषण सुरु या:गु खं ववयक:या जहान पारु केसी जानकारी ब्यूगु दु । लगातार ८४ घण्टा भाषण याना: विश्वकीर्तिमान तयेगु कुत: केसी या:गु ख: । ध्वया न्हय: भारतया गुजरात सुरतया अश्विन सुडानी थये लगातार भाषण याना: ७५ घण्टा ३२ मिनटया रेकर्ड त:गु ख: । भिहग: आइतवा: हिनय ३ बजे तकया दुने केसी ५७ घण्टा अनवरत भाषण यायेगु ई जुडगु विश्वदर्शन अभियानया नाय: नारायण प्रसाद भट्टराई जानकारी वियादिगु दु । थुगु कीर्तिमानया ज्याभव:या नितिं लायन्स क्लव अफ काठमाडौं विहानीयाग्वसा: व लियो क्लवलाय लिसं थीथी संस्थाया ग्वाहालि भाषण या:गु ख: । भाषणय केसी थीथी विषयलय प्रवचन वियाच्वंगु दुसा छुद्यौलय न्यागु मिनट दिपा: कायेगु यानाच्वंगु ख: । केसीं न्हिच्छी चच्छि भाषण यायेगु यानाच्वंगु दुसा इलय ब्यलय मेचय च्वना: नं भाषण यायेगु यानाच्वंगु दु ।

नेपाली फुटबल पुच:या घोषणा

न्हूगु ज्वजलपा

अखिल नेपाल फुटबल संघ (एन्फा) एएफसी एसियन कप छनोट अन्तर्गत ताजिकिस्तान विरुद्धया प्यक्व:गु कासाया नितिं नेपाली फुटबल पुच:या घोषणा या:गु दु । असोज २४ गते ताि जकिस्तानय जुडगु उगु कासाया नितिं नेपाली पुच:या मू प्रशिक्षक ग्योतोकु कोजी २३ म्ह दुज:या नेपाली पुच:या भिहग: बुधवा: घो षणा यानादीगु ख: । छनोट जूगु पुच:या गोररक्षकय एलन न्यौ पाने, विकेश कुथू व किरणकुमार लिम्बू ख: ।अथेहे डिफेन्डरय देवेन्द्र तामाड, विराज महर्जन, अनन्त तामाड, जितेन्द्र कार्की, आदित्य चौधरी, कमल श्रेष्ठ, राजेन्द्र रावल व दिनेश राजवंशी ख: । मिडफिल्डरय भरत खवास, सुनिल बाल, विशाल राई, हेमन्त थापामगर व सुजल श्रेष्ठ दुसा स्ट्राइकरय विमल घर्तीमगर, जर्ज प्रिन्स कार्की, हेमन गुरुड, रोहित चन्द, विक्रम लामा, नवयुग श्रेष्ठ व अञ्जन विष्ट पुचलय दुथ्या:गु दु ।वंगु भदौ २० गते एसियन कप छनोट अन्तर्गत निक्व:गु चरणया कासाय नेपालं घरेलु मै दनाय हे ताजिकिस्तानलिसे २-१ गोल अन्तरं पराजय भागे या:गु ख: । अथेहे, फिलिपिन्सया मनिलाय जूगु न्हापांगु कासाय नेपा: फिलिपिन्सलिसे बूगु ख:सा येंय जूगु निक्व:गु कासाय यमनलिसे गोलरहित बराबरी कासा जूगु ख: ।

विश्वकपया याकनं क्वचायेकेत पुटिनया उजं

एजेन्सी

रुसी राष्ट्रपति व्वलादिमिर पुटिनं २०१८ य जुडत्यंगु विश्व कपया नितिं न्ह्यानाच्वंगु तयारी याकन क्वचायेकेत अफिसियल(तयत उजं ब्यूगु दु । विश्वकप न्ह्याकेत आपा: ई ल्य: मदगुलिइ व अफिसियलतयेगु ज्या सन्तोषजनक खनेमदुगु धका: राष्ट्रपति पुटिनं याकनं ज्या क्वचायेकेत उजं ब्यूगु ख: । न्हापां विश्वकपया तयारीया नितिं जुया: च्वंगु ज्या सन्तोषजनक दुगु जूसां नं लिपांगु इलय ज्या बिस्तार जुयाच्वंगु हुनिं पुटिनं उजं वीमा:गु बिबिसीइ बुखं दु । 'आराम काल धा:सा ज्या क्वचाइमखु । अन्तिम चरणय वया: ज्या क्वचायेकेत स्वल धा:सा आपालं थाकुइ' रुसी राष्ट्रपति पुटिन । रुसं न्हापांगु खुसिइ २०१८ सं विश्वकप फुटबलया ग्वसा: ग्वयेत त्यंगु दु । विश्वकप रुसया भिंछगू शहरया भिनिगू थासय जुडगु दु । विश्वकप १४ जुन निसं १५ जुलाईतक्क ग्वसा: ग्वइगु ख: । थुकियान्हय: ध्वहे दँया जुनय विश्वकपया तयारीया कथं दुगु कन्फिडेरेशन कपया ग्वसा: ग्व:गु ख: । प्रतियोगिताय छुं नं हिंसा लिसे म्वा: मदगु घटनात मजुइकूगु रुसं उत्कृष्ट तरिकां ग्वसा: ग्व:गु विश्व फुटबल महासंघ (फिफा) अध्यक्ष जियानी इन्फान्टिनो जानकारी ब्यूगु दु । कन्फिडेरेशन कपया उपाधि विश्व विजेता जर्मनी त्याकूगु ख: ।

शंखधरया चर्चाय् फुनाच्चंगु नेवाः शक्ति

नेवाःतयसं शंखधरयात गबलय् लुइकल धइगु ला त्याजिक्क सुनां धाःगु मसिउ, तर गबलय् निसें लुइकल, अबलयिनसें व उमिगु, न्हा यपुइ, नुगलय्, हिनुलिइ दु, कमसेकम म्हपुजाकुन्हु छैय् यायेमाःगु ज्याजि त्वःताः बसन्तपू वा अथे हे मेमेगु भिन्तुनाया यालिइ बनीपिं भाषा संस्कृतिइ मतिना दुपिं नेवाःतयगु दथुइसां चाःचाः हिलाचवनी हिप्नोटाइज्ड जुयाः ।

शंखधरया नां कालिकि छाया भी अपायसकं उत्साहित? वयागु नां दुगु लेख लूसां समाचार न्हूगु मुर्ति लूसां हंगामा । छाया? जब शंखधरं लखुतिरथया फि हयाः स्वनिगःया दक्कसित त्यासां मुक्त यात, अबलय् नं वं छन्हु नेवाःतयसं थःत उलि सम्मान याइ धकाः मतिइ तःगु खइमखु । म्होतिं नी स्वीदं दत नेवाःतयसं शंखधर या नां कयाच्चंगु, वयागु नामय् मञ्चय् च्वनाः वयात लुमंकाच्चंगु । वयात थः धया, महामानव धया, दानवीर धया, छु छु जक मधया । वंयाःगु ज्या पक्का हे तःधंगु ज्या खः, छम्ह जुजुं हे याये मफइगु ज्या याःगु नं खत । तर उकिया तारिफ गुलि जुलाकि बिलिबिलि जाइ?

न्हापा आन्दोलनया हे रुपं क्वहांवःगु खइ नेवाःत म्हपुजा कुन्हु नेपाल संवत् थःगु मौलिक संवत् जूगुलिं सरकारं नालाकायेमाः थुकियात नेवाःतयगु जक मखु सम्पूर्ण नेपाःमितयगु हे दयेके माः धकाः । अबलय् निसें नेवाःतयगु मेचवकाय् यगानाच्चंगु दु शंखधर । उखे शंखधर, थुखे हूँ शंखधर, च्वय् शंखधर, क्वय् शंखधर । गुलिं लिंयाम्ह शंखधर, गुलिं चायाम्ह शंखधर । उलिं मगानाः म्येय् शंखधर,

स्वंगु दशकतक लगातार अध्ययन जुयाच्चंगु नेपालय् छुं विषय दुसा व शंखधर हे खः । थ्व निद्वः दँपुलांगु नेवाः सभ्यताया दुने अज्याःपिं शंखधरपिं तःम्ह हे बुल जुइ, अज्याःगु लुमंकेबहगु ज्या नं तःम्हस्यां हे यात जुइ । धयाच्चनेम्वाः हलिमय् हे बय्बय् यायेबहगु थ्व सभ्यता छम्ह निम्हस्या कुतलं जक पुवनेफइमखु ।



राजेन मानन्धर यँ

भी हानं शंखधरयात लुमंकाः वयागु महानताया व्याख्या यानाच्चनेगुया अर्थ मालेगु अवस्था याकनं वःसा आर्विल हानं सुं नेवाः लेखकं नेवाःभासं शंखधरया बारे च्वयाः कलम(या मसि व नवानाः कथुया सासः फुकेगु अवस्था याकनं अन्त्य जुइगु आशा यायेगु थाय् लुयावइ ।

न्ह्याम्हस्यां न्ह्याथाय् न्ह्यागु नवाःसां अन्त्यय् छता खँ धायेगु त्वःमंकीमखगु नेवाः विद्वान व नेतातयसं – ‘शंखधर व नेपाल संवत्या वारे अफ्र नं सत्यतथ्यया अनुसन्धान यायेमानि’ । छम्ह ऐतिहासिक मनुया अध्ययन अनुसन्धान गुलि यात कि पुवनी ? छु थौं तक राजा(महाराजात बाहेक नेपालय् शंखधरया बारे ति मेमिं सुयागु अनुसन्धान जूगु दुला? अयुंनं मगाःनिसा आःतक अध्ययन अनुसन्धान यानावःपिं विद्वानतयगु क्षमताय् शंका छाया मयायेगु ? आः अनुसन्धान शंखधरया बारे मखु, वंगु नीदँ स्वीदँ दुने शंखधरया बारे गुलि अनुसन्धान जुल अले उकिया नामय् गुलि खर्च जुइधुंकल धकाः याये माल । नेवाः नेतातयके जक मखु नेवाः विद्वानतयके न्हापं नैतिकताया खडेरी जूगु प्रमाण लुइगु असम्भव मदु ।

क्यासेटय् शंखधर, सिडिइ शंखधर, क्यालेन्डरय् शंखधर, टिशर्टय् शंखधर, हुलाक टिकटय् शंखधर । मेथाय् गन गन शंखधर । थ्व हे दथुइ भीसं तःम्ह शंखधर नं बुइके धुन – गुलिं न्हाय् फ्याफःम्ह, न्हाय् च्वमुम्ह, मिखातग्वःम्ह, यार्पांम्ह, सपःदुम्ह, संमदुम्ह, गःपःतपुम्ह, बाइसेप तपुम्ह, भोरी तग्वःम्ह, जोगीथेंच्वंम्ह, साहुथेंच्वंम्ह, क्लीनसेभयान(तःम्ह, ग्वाय्दारि दुम्ह, ध्यबा ह्वलाच्चंम्ह आदि आदि । थ्व कल्पना खःलाकि, सिर्जना खः लाकि, इतिहास खः लाकि नेवाःतयगु न्हाय् ध्यंगु?

खः । नेवाःत तसकं कल्पनाशिल, मुंगेरीलाल थेंज्याःपिं । अथेजुयाः शंखधरया तःगु हे बाखं पिदने – वयागु खँ वयात मिलेमजु, वं धालकि वं त्वाःल्हाये हे माः । गुलिस्यां वयागु नां हिल, गुलिस्यां वयागु पेशा हिल, गुलिस्यां कुनां हिल । गुलिस्यां वयात वंजाः धाल गुलिस्यां ला जुजु नं धाल । मेपिन्त अथे याये कुन्हूगु खँ शंखधरलिसे स्वाके हइ अले वयागु जक सत्य मेपिनिगु फुक्क फयुगं धकाः तकं च्यालेन्ज याइ । थज्याःगु ज्यो याइपिन्त भीसं थौं विद्वान हे धयाच्चना ।

स्वंगु दशकतक लगातार अध्ययन जुयाच्चंगु नेपालय् छुं विषय दुसा व शंखधर हे खः । थ्व निद्वः दँपुलांगु नेवाः सभ्यताया दुने अज्याःपिं

शंखधरपिं तःम्ह हे बुल जुइ, अज्याःगु लुमंकेबहगु ज्या नं तःम्हस्यां हे यात जुइ । धया(च्वनेम्वाः हलिमय् हे बय्बय् यायेबहगु थ्व सभ्यता छम्ह निम्हस्या कुतलं जक पुवने फइमखु । थाय्, अवस्था व आवश्यकता अनुसार भिंगु वा परोपकारया ज्या व उकिया उच्चताया अर्थ पानावनी । थौया थ्व स्वनिगलय् न्ह्या(म्हं वयेजिउगु, राजनीतिक पार्टीया समर्थन यानाया भरय् बागमति सिथय् च्वंगु जग्गा अतिक्रमण यार्थेजिउगु अले सिमापारी वयाः आन्दोलनयानाया भरय् नागरिकता कार्येजिउगु थेंज्याःगु फ्यासुगु राजनीतिक अवस्थाय् सुं नं न्ह्याक्व हे सम्पन्न जूसां हे देसय् च्विपिं दक्क सित ऋण मुक्त यायेफइमखु । थ्व आः वल्डबैंक, यूएनडिपि वा बिल गेट्स हे वःसां संभव मदु । उकिं अबलय् शंखधरयागु थेंज्याःगु ज्याः थन तःम्हस्यां तःकः हे यायेधुंकल जुइ धका धायेफु । अथे खः सा र्व ले भी इतिहासकार व संस्कृतिविद् धयातयापिन्सं मेमेपिं महामानव नेवाःतयगु बारे जानकारी पित बिउगु? न भीसं व स्वयाः न्हापा भिंगु ज्या यानावःपिनिगु नां लुमंका, न वस्वयाः लिपायाना वःपिनिगु हे । छम्हसित म्वाके गु धइगु मेपिं गुइगुम्हसित स्यायेगु मखुला ? अथे खः सा उकिया सजाय फये त थौया थ्व शंखधरविद्वत

तयार दुला? थ्व हे धर्म, थ्वहे संस्कृतिइ व राज्य व्यवस्थाय् छम्ह अज्याःगु कल्याणकारी ज्या याइम्ह जन्म जुइगु अले अन हे अज्याःम्ह दानी मेगु भिंछसःदँ तक जन्म मजुइगु संभव मदु । शंखधर मेगु ग्रह, मेगु सभ्यतायाम्ह मनु मखुसा अज्याःगु नुगः दुम्ह मनु थ्व नेपाःमामं हानं छक्व मबुइक(िला? कमसेकम व लिसे ज्वः लाःगु, वयागु ज्याया वळि वा चर्कीछि जक सां गुण दुम्ह मनुया बाखं नं भीसं थ्व नेवाः संस्कृति वा वंशावलीइ व्वनेमखं । गनं व शंखधरया जन्म हे नं छगू भूल जक खःला धका आः या शंखधर विद्वतयसं मेम्ह शंखधरया सँछपुकिछि तकया गुण दुम्ह छम्ह मनु नं लुइका क्यने मफुगुलिं नं अनुमान यायेत थौया आधुनिक नेवाःतयत वाध्य याना विउगु दु ।

नेसं १९०० निसें शंखधर या नामय् गसिस्यां लेख, बाखं, प्याखं, कविता आदि च्वयेधुंकल उकिया ल्याःचाः यायेअःपु मजू । थ्व द्वाःछि स्वयाः म्हो जुइमखु धइगु छगु अनुमान जक खः । हरे क च्वमिया दक्कस्या छप्वाः म्हतु – दँय् दसं वहे विचाः, वहे श्रद्धा, वहे आदर्शयात लुमंकाः न्हयःने वनेगु विचाः । थ्व लेख रचना हानं अधिकांश नेवाःतयसं जक व्वनीगु नेवाः(भाय्या पत्रपत्रिकाय्, एफएम वा टेलिभिजन ज्याभवलय् जक खनेदइ, न्यनेदइ । उमिगु

लेख रचनायात खय् वा अंग्रेजी भाय्या पत्रपत्रिकाय् वःसा न्हून्हूपिं पाठकपिन्सं नं शंखधर या बारे सिइकेगु मौका लुइक(िगु खः, व नं जुयाच्चंगु मदु । अफ्र गनं गनं ला व हे लेखकं दँय् दसं व हे आशययागु लेखत पुलांगु ‘कट पेस्ट’ याःगु थेंच्वक च्वयाःसां थःगु लेखकीय दायीत्व पुवंकाच्चना धकाः क्यनीपिं नं थन मदुगु मखु ।

थन शंखधर जक मखु, सीता व भृकुटी नं खः विभूति । उमिगु बारे उलि अध्ययन जू ला? वयागु बारे बाखं बाहेक मेगु छु सिउ? उमिगु बारे अध्ययन यायेम्वाःसा शंखधरयात छाया थ्व अध्ययन अनुसन्धानया केन्द्रविन्दु जुइगु चिठ्ठां लाःगु? मेपिं आदिवासी(तय् नं थः आदर्श पुरुष दु, किरातीतयत उमि यलम्बर यात सम्मान यायेत अज्या(िगु ऐतिहासिक सामाग्रीया अभावं मपंसा नेवाःतयत उमि शंखधरयात सम्मान यायेत पनेमाःगु मदु । आः विद्वान(तयसं शंखधरया नामय् थःगु विद्वता व्वयेगु स्वयाः निद्वःदँया दुने वूपिं व नेवाःसमाजयात छुं याःपिं मनुतयगु बारे जानकारी माले माल, थौं भीगु समाजय् दुपिं शंखधरथें नुगः चर्कापिं मनुतयगु बारे खँ पितहये माल ।

शंखधरयात सुनां नं शंका यानामच्चंगु अवस्थाय् आः



राराहिल टौ बह सतक उपभोक्ता समितिया
मवसालय लः भिकेज्या व ढलान ज्या यानाचंगु छगू ।
किपाः न्हूगु ज्वजलपा देस्क

भाषा, साहित्य व संस्कृतिया सः

नवा गद्य, गम. १०६.६


नेवाः एफ. एम. १०६.६

संघीय समाजवादी व राजपा छप्पं जुइगु

न्हूगु ज्वजलपा
संघीय समाजवादी फोरम नेपाल व राष्ट्रिय जनता पार्टी (राजपा) असोज २० गते शुक्रवाः छगू वक्तव्य पिथनाः निगुलिं पार्टी मंकाः रुपं छगू हे जुयाः पलाः न्ह्याकेगु खँया सार्वजनिक याःगु दु । संघीय समाजवादी फोरम नेपालया नायः उपेन्द्र यादव व राष्ट्रिय जनता पार्टी नेपालया संयोजकलिसें अध्यक्षमण्डलया दुजः महन्थ ठाकुरं मंकाः कथं ल्हाःचिं तयाः सार्वजनिक याःगु उगु वक्तव्यय् थुगु खँ न्ह्यथनातःगु खः । वक्तव्यय् ने पाली जनतां ताःइलिनिसें यानाः वयाचंगु कठोर संघर्ष, त्याग व बलिदान ऐतिहासिक मधेस जनविद्रोह, सशस्त्र संघर्ष, जन आन्दोलन, आदिवासी जनजाति लिसेंया आन्दोलनपाखें वःगु उपलब्धित खासयानाः संघीयता, लोकतान्त्रिक गणतन्त्र, राष्ट्रिय पहिचान, समावेशी लोकतन्त्र, धर्मनिरपेक्षता इत्यादीयात र । जनीतिक व संवैधानिक रुपं संस्थागत व सुदृढ यायेत संविधान संशोधन यानाः मधेसी, आदिवासी जनजाति, शिल्पी, दलित, मिसा, मुस्लिम, थारु, खस, पिछडावर्ग, अल्पसंख्यक समुदाय, विपन्न वर्ग लिसेंया बहिष्करण व बञ्चितकरणय् लाकूगु व लाःगु समुदायपनिगु आर्थिक, राजनीतिक, सामाजिक सांस्कृतिक व भाषिक अधिकारत लिसें समानताया हक व राज्यया हरेक क्षेत्र, तह व अंगतय्के समानपातिक समावेशीकरण व साभे दारी लिसें सामाजिक न्याय प्राप्तिया लिसें उगु समुदायपिन्त सदियौनिसें कायम याःगु फुक्क कथंया असमानता, विभेद, भेदभाव व उपेक्षा, शोषण व उत्पीडनयात अन्त्य यायेमाःगु खँ न्ह्यथनातःगु दु । वक्तव्यय् उज्वःगु उत्पीडनयात न्हंकाः छवये गु नितिं संघीय समाजवादी फोरम नेपाल व राष्ट्रिय जनता पार्टी नेपाल थःथवय् सहकार्य यानाः वनेगु व वइगु प्रदेश सभा व संसदया निर्वाचनय् थःथवय् समझदारीया आधारय् निगुलिं पार्टी मंकाः कथं मंकाः उम्मेदवारया रुपं चुनाव्य् ब्वति कायेगु खँ न्ह्यथनातःगु दु । अथेहे, उगु वक्तव्यय् उम्मेदवारी बिइगु व मेमेगु राजनीतिक पार्टी व दलतलिसे मोर्चा बाय् गठबन्धन लिसें तालमेल यायेमाःसा निगुलिं पार्टी मंकाः कथं सहभागी जुइगु व सहकार्य यायेगु सहमति जूगु खँ सार्वजनिक याःगु दु ।

नोबेल शान्ति सिरपाः थुगु दा नर्वेली संस्थायात

एजेन्सी
थुगु दँया नोबेल शान्ति सिरपाः नर्वेली संस्था इन्टरनेशनल क्याम्पेन टु एबोलिस न्युक्लियर विपन्स (आईसीएएन) काःगु दु । 'परमाणु त्वाभःतय्गु छुं नं उपयोगया विनासकारी मान (



वतावादी परिणामत व उगु कथंया त्वाभःतय्गु सन्धि-आधारित निषेधयात प्राप्त यायेगु नितिं स्थलगत विष्फोटक कृतःतय्के ध्यान आकर्षित याःगु हुनिं' उगु संस्था विश्वया हे प्रतिस्थित सिरपाः कायेत ताःलाःगु खः ।

नर्वेली नोबेल कमिटीया नायः बेरिट रेस एन्डर्सन उगु सिरपाः घोषणा य असें धयादी, '९ लख स्विडिस क्रोनरया थ्व सिरपाः ओस्लोय लःल्हायेगु जुइ ।'

वंगु दँया नोबेल शान्ति सिरपाः ५२ दँया गृहयुद्ध अन्त्य याःगुलिं कोलम्बियाया राष्ट्रपति हुवाँ म्यानुएल सान्तोसयात ब्यूगु खः ।

उगु गृहयुद्धय् २ लख २० हजार मनुतसें ज्यान गुमेयाःगु खः । सन् १९०१ थुखे १३० म्ह मनु उगु सिरपाःपाखें सम्मानि जुइथुंकाःगु दु ।

उपिंमध्ये दकले कान्छीम्ह पाकिस्तानी नागरिक १४ दँया मलाला युसुफजाईयात सन् २०१४ स लःल्हाःगु खः ।

न्हूदँया लसताय् भिंतना



न्हूदँ नेपाल सम्बत १९३७ व स्वन्ति
नखःया लसताय् सकल नेपाःमिपिनिगु भिं-
उसाँय व ताःआयुया कामना यासें भिंतुना
देछाना च्वना
न्हूगु ज्वजलपा वाःपौ सकल जः
बाघभैरव किपू-१

Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur
4335491 / b.arts4335491@hotmail.com

- ★ Banner, Flex Board
- ★ Glow Sign Board
- ★ Sticker Cutting / Printing
- ★ Screen/ Rubber Print
- ★ Self-ink/ Rubber Stamp
- ★ PVC(ID)/ Visiting Card
- & all kinds of press works

अष्टमातृका टेलरिङ्ग सेन्टर

Astamatrika
Tailoring Center
Nayabazar, Kirtipur-17, (Way to Panga)
Mob-9841649589

Remember us for :
Shirting, Suiting, Safari, School/ Office Uniform
and all Tailoring Clothing Store

विगत २४ वर्ष देखि अनुभवी व्यक्तिहरूद्वारा विभिन्न डिजाइनका पोशाकहरू तयार गरिन्छ ।